



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-3277/26

Datum:18.09.2026. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), na svojoj 42. sjednici održanoj dana 18.09.2026. godine, donosi

O D L U K U

o izboru najpovoljnijeg ponuđača za nabavku
usluga osiguranja od profesionalne odgovornosti zaposlenih

Član 1.

Ugovor o nabavci usluga osiguranja od profesionalne odgovornosti zaposlenih za JU «Dom zdravlja» Zavidovići za 12 mjeseci dodjeljuje se ponuđaču **ASA Central osiguranje d.d. Sarajevo.**

Član 2.

Ponuda ponuđača ASA Central osiguranje d.d. Sarajevo u provedenom konkurentskom zahtjevu za dostavu ponuda, bila je prihvatljiva ponuda i imala je najnižu cijenu, te će se ovom ponuđaču ponuditi Ugovor o nabavci usluga osiguranja od profesionalne odgovornosti zaposlenih za JU «Dom zdravlja» Zavidovići za 12 mjeseci, u ukupnom iznosu od **7.640,00 KM bez PDV-a.**

Član 3.

Ponuda ponuđača Sarajevo osiguranje d.d. Sarajevo, odbačena je shodno članu 68. stav 4. tačka i) Zakona o javnim nabavkama, zbog toga što ne ispunjava zahtjeve iz tenderske dokumentacije.

Član 4.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 5.

Izabrani ponuđač ne mora dostaviti original ili ovjerene fotokopije dokumentacije iz člana 4. ove odluke iz razloga jer je u ponudi dostavio ovjerenu fotokopiju sljedećih dokumenata:

- a) Uvjerenje Suda Bosne i Hercegovine, broj: Su:03-6710/26 od 19.06.2026. godine da pravnom licu nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu člana 45. stav 2. tačka a) Zakona o javnim nabavkama – ovjerena fotokopija od 10.07.2026. godine
- b) Uvjerenje Općinskog suda u Sarajevu, broj: 65 0-KR-26 11954 od 29.06.2026. godine da ponuđaču nije izrečena pravosnažna osuđujuća presuda za krivično djelo učešća u kriminalnoj organizaciji, korupciju, prevaru ili pranje novca u smislu člana 45. stav 2. tačka a) Zakona o javnim nabavkama – ovjerena fotokopija od 10.07.2026. godine
- c) Uvjerenje Općinskog suda u Sarajevu, broj: 065 -0-Su-Uv-26-006055 od 29.06.2026. godine da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti člana 45. stav 2. tačka b) Zakona o javnim nabavkama – ovjerena fotokopija od 10.07.2026. godine
- d) Uvjerenje Kantonalnog poreznog ureda, Porezna ispostava Novi Grad da ponuđač nema duga po osnovu javnih prihoda i nema duga po osnovu doprinosa za PIO, doprinosa za zdravstveno osiguranje, osiguranje od nezaposlenosti i poreza na dohodak, br.13-9/4-12-5-18903/26AJ od 23.06.2026. godine - ovjerena fotokopija od 10.07.2026. godine
- e) Uvjerenje Uprave za indirektno oporezivanje –Regionalni centar Sarajevo, broj: 02/6/II-16-11-21-9010-2/26 od 22.06.2026. godine da ponuđač nema dospelih, a neizmirenih obaveza po osnovu indirektnih poreza, prihoda i taksi – ovjerena fotokopija od 10.07.2026. godine.

Dokumenti navedeni u stavu 1. ovog člana evidentirani je u Zapisniku o pregledu i ocjeni ponuda, broj: 01-2.13-3130/26, a u Tenderskoj dokumentaciji, broj: 01-2.12-2857/26 od 06.08.2026. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., je propisano: „Ponuđač može uz Izjavu -Aneks 4 tj. uz svoju ponudu, odmah dostaviti i tražene dokaze koji su navedeni u izjavi. Ovim se ponuđač oslobađa obaveze naknadnog dostavljanja dokaza ako bude izabran. Dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od trenutka predaje ponude.“.

Član 6.

Ova odluka stupa na snagu danom donošenja.

Obrazloženje

Obavještenjem o nabavci br. **638-7-2-334-3-77/26** koje je objavljeno na portalu javnih nabavki dana 06.08.2026. godine i u „Službenom glasniku BiH“, broj: 58/26 od 14.08.2026. godine, pokrenut je konkurentski zahtjev za dostavu ponuda za nabavku usluga osiguranja od profesionalne odgovornosti zaposlenih za JU «Dom zdravlja» Zavidovići za 12 mjeseci.

Tendersku dokumentaciju za predmetnu nabavku sa portala javnih nabavki preuzelo je 10 ponuđača i to: NEXEN, EKAPIJA DOO, BRČKO-GAS OSIGURANJE D.D., BBS EUROPE, EUROHERC OSIGURANJE D.D., TENDERI DOO, DRUŠTVO ZA OSIGURANJE „PREMIUM OSIGURANJE“ A.D., SARAJEVO OSIGURANJE D.D. SARAJEVO, ASA CENTRAL OSIGURANJE D.D. SARAJEVO I WIENER OSIGURANJE VIG AD. i UNIQA OSIGURANJE D.D. SARAJEVO.

Na adresu JU «Dom zdravlja» Zavidovići dostavljene su 2 ponude i to: Sarajevo osiguranje d.d. Sarajevo i Asa Central Osiguranje D.D. Sarajevo.

Nakon pregleda dostavljene dokumentacije Komisija za javne nabavke utvrdila je da jedna ponuda odgovara uslovima iz tenderske dokumentacije, odnosno da je prihvatljiva ponuda, a jedna ponuda je ocijenjena neprihvatljivom i kao takva odbačena.

Ponuda ponuđača Sarajevo osiguranje d.d. Sarajevo ocijenjena je neprihvatljivom iz sljedećih razloga:

U tenderskoj dokumentaciji br. 01-2.12-2857/26 od 06.08.2026. godine, nalazio se obrazac Aneksa 3-OBRAZAC ZA CIJENU PONUDE-USLUGE, jedan od obaveznih obrazaca za pripremu ponude.

Obrazac za cijenu ponude-usluge –Aneks 3, sastojao se od 5 (pet) stavki.

Obrazac Aneksa 3 sačinjen je u skladu sa članom 5. Uputstva za pripremu modela tenderske dokumentacije i ponuda (Sl. Glasnik BIH br. 90/14 i 20/15), te isti između ostalog, sadrži: tekstualni opis stavke, količinu stavke, cijenu stavke i ukupnu cijenu stavke.

U obrascu za cijenu ponude data je i mogućnost da se posebno iskaže eventualni popust.

Uvidom u dostavljeni i popunjeni Obrazac Aneksa 3, utvrđeno je da je ponuđač Sarajevo osiguranje d.d. Sarajevo, u stavki 1. iz čijeg opisa se vide specijalisti koji su predmet osiguranja (12 različitih specijalnosti), umjesto jedne jedinične cijene i ukupne cijene stavke, ponudio 12 (dvanaest) jediničnih cijena i umjesto izračuna ukupne cijene stavke, u koloni za ukupnu premiju za stavku 1. (12 x jedinična cijena), samo je ponovio 12 (dvanaest) jediničnih cijena.

Isto je uradio i na stavci 3. iz čijeg opisa se vide diplomirani inženjeri koji su predmet osiguranja (3 različita smjera), te je umjesto jedne jedinične cijene i ukupne cijene stavke, ponudio 3 (tri) jedinične cijene i umjesto izračuna ukupne cijene stavke, u koloni za ukupnu premiju za stavku 3. (3 x jedinična cijena), samo je ponovio 3 (tri) jedinične cijene.

Stav 4. člana 5. Uputstva za pripremu modela tenderske dokumentacije i ponuda (Sl. glasnik BIH br. 90/14 i /15), propisuje da prilikom ispunjavanja obrasca za cijenu ponude ponuđač ukupnu cijenu stavke izračunava kao: proizvod količine stavke i cijene stavke.

Uvidom u stavke 1. i 3. Aneksa 3-OBRAZAC ZA CIJENU PONUDE-USLUGE, može se utvrditi da ponuđač nije popunio obrazac u skladu sa zahtjevima tenderske dokumentacije, niti u skladu sa stavom 4. člana 5. Uputstva za pripremu modela tenderske dokumentacije i ponuda (Sl. glasnik BIH br. 90/14 i /15).

Naime, ponuđač Sarajevo osiguranje d.d. Sarajevo, umjesto da za stavku 1. i 3. ponudi jednu jediničnu cijenu (premiju za jedno lice), i istu pomnoži (sačini proizvod) sa količinom stavke (12 za stavku 1. i 3 za stavku 4.), kao što je traženo tenderskom

dokumentacijom i stavom 4. člana 5. Uputstva za pripremu modela tenderske dokumentacije i ponuda (Sl. glasnik BiH br. 90/14 i 20/15), isti je ponudio 12 (dvanaest), odnosno 3 (tri) jedinične cijene, te ponovo u koloni u kojoj je trebao navesti ukupnu cijenu stavke (ukupna premija), samo je ponovio 12 (dvanaest), odnosno 3 (tri) jedinične cijene.

Usto, ponuđač je ponudio različite cijene za specijaliste iz pojedinih oblasti, iako to nije predviđeno tenderskom dokumentacijom i obrascem Aneksa 3, već je predviđeno da se po svakoj stavci, u koloni 4. iskazuje jedinstvena cijena za jedno lice koje se osigurava, a u koloni 4. iskazuje umnožak predviđenog broja lica koja se osiguravaju i iznosa cijene po jednom licu. Ovakav način iskazivanja cijene je jasan, te je u istom obrascu za stavku 2., gdje predviđeni broj lica koja se osiguravaju iznosi 5, kao i za stavku 5. gdje predviđeni broj lica koja se osiguravaju iznosi 10, ponuđač Sarajevo osiguranje d.d. Sarajevo pravilno shvatio način obračuna i ispravno popunio tabelu.

Očigledno je ponuđač nastojao razdvojiti pojedinačne cijene za specijaliste iz pojedinih oblasti, te za diplomirane inženjere različitih smjerova, ali za takvo nešto nije ostavljen prostor u tenderskoj dokumentaciji, a ponuđač je propustio postaviti upit vezan za tendersku dokumentaciju i zahtijevati da se izvrši izmjena tenderske dokumentacije u skladu sa njegovim potrebama.

U tenderskoj dokumentaciji br. 01-2.12-2857/26 od 06.08.2026. godine, u dijelu 4. PRIPREMA PONUDA, propisano je da se pri pripremi ponude ponuđač mora pridržavati zahtjeva i uslova iz tenderske dokumentacije, te da ponuđač ne smije mijenjati ili nadopunjavati tekst tenderske dokumentacije.

U konkretnom slučaju ponuđač se nije pridržavao zahtjeva i uslova iz tenderske dokumentacije, te svojim načinom dostave ponude za stavke 1. i 3., izmijenio traženi način dostave ponude i ponudio proizvoljno cijenu ponude.

Na osnovu naprijed navedenog, utvrđeno je da se ponuđač nije pridržavao zahtjeva i uslova iz tenderske dokumentacije u skladu sa članom 57. Zakona o javnim nabavkama, jer je pogrešno dostavio cijenu ponude za stavke 1., i 3. u Aneksu 3-OBRAZAC ZA CIJENU PONUDE-USLUGE, kako je naprijed navedeno.

Zbog svega navedenog, ugovorni organ je shodno članu 68. stav 4. alineja i) dužan odbaciti ponudu, zbog toga što ne ispunjava zahtjeve iz tenderske dokumentacije.

Uslijed utvrđenog činjeničnog stanja ponuđač Sarajevo osiguranje d.d. Sarajevo, isključen je iz daljeg toka postupka javne nabavke, jer je dostavio neprihvatljivu ponudu zbog čega se ista odbacuje iz naprijed opisanih razloga, te neće biti predmet dalje ocjene ponuda.

Procijenjena vrijednost nabavke iznosila je **8.000,00 KM** bez PDV-a.

U ovom postupku nabavke predviđeno je provođenje e-aukcije.

"E-Aukcija" je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku usluga osiguranja od profesionalne odgovornosti zaposlenih za JU «Dom zdravlja» Zavidovići za 12 mjeseci, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23), jer je u članu 4. stav 2. istog Pravilnika propisano: “U slučaju prijema jedne prihvatljive ponude e-Aukcija se ne zakazuje”

Kako se e-aukcija nije mogla zakazati ovaj ugovorni organ je postupio u skladu sa članom 4. stav 2. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog postupka za nabavku usluga osiguranja od profesionalne odgovornosti zaposlenih za JU «Dom zdravlja» Zavidovići za 12 mjeseci, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

1. ASA Central osiguranje d.d. Sarajevo,
2. Sarajevo osiguranje d.d. Sarajevo,
3. a/a

PREDSJEDNIK
UPRAVNOG DBORA:
Mehić Elvir, dipl. pravnik

